

Nosilac aktivnosti: Bošnjačka ustanova "An-Nur" BiH Predškolska ustanova "An-Nur" Hadžići

34. Igrokaz "Moja mama ima multipla sklerozu"

Datum održavanja: 07. oktobar 2015. godine

Mjesto održavanja: JU "Međunarodni centar za djecu i omladinu Novo Sarajevo"

Nosilac aktivnosti: Udruženje oboljelih od multiple skleroze Kantona Sarajevo

35. Projekat "Mala škola znakovnog jezika"

Datum održavanja: 08.-09. oktobar 2015. godine

Mjesto održavanja: Sarajevo City Centar

Nosilac aktivnosti: Udruženje gluhih Kantona Sarajevo

36. Projekat "Prettiest Voice"- Festival dječije autorske pjesme

Datum održavanja: 09.-10. oktobar 2015. godine

Mjesto održavanja: Bosanski kulturni centar

Nosilac aktivnosti: "ENKIDU" d.o.o.

37. Zatvaranje "Dječije nedjelje"

Datum održavanja: 10. oktobar 2015. godine

Mjesto održavanja: Dom mladih Skenderija

Nosilac aktivnosti: Ministarstvo za rad, socijalnu politiku, raseljena lica i izbjeglice Kantona Sarajevo i KJU "Porodično savjetovalište"

III - ZAVRŠNA ODREDBA

Ovaj program će se objaviti u "Službenim novinama Kantona Sarajevo" i na WEB stranici Kantona Sarajevo.

Broj 13-05-18557/15
16. septembra 2015. godine
Sarajevo

Ministrica
Karolina Karačić, s. r.

OPĆINA CENTAR SARAJEVO

Općinski načelnik

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", br. 7/05) i člana 25. Statuta Općine Centar Sarajevo, Prečišćeni tekst ("Službene novine Kantona Sarajevo", br. 23/04), Načelnik Općine Centar Sarajevo, dana 10.09.2015. godine, verificovao je i donio

ODLUKU

**O KOREKCIJI REGULACIONOG PLANA
"KOŠEVSKO BRDO"**

Član 1.

Utvrđuje se korekcija Regulacionog plana "Koševo Brdo" ("Službene novine Kantona Sarajevo", broj 32/13), u daljem tekstu: korekcija Plana.

Član 2.

Korekcijom Plana stvara se planski preduvjet za izgradnju individualnog stambenog objekta na zemljištu označenom kao k.č. 1499/1 i k.č. 1498/5 K.O. Sarajevo VI, a prema sljedećim urbanističko-tehničkim uslovima, odnosno na način:

- Na zemljištu označenom kao k.č. 1499/1 i k.č. 1498/5 K.O. Sarajevo VI, planirana je izgradnja individualnog stambenog objekta max. horizontalnih gabarita 10,5x10,5 m., i max. spratnosti prizemlje i potkrovlje (P+Pt), na način kako je prikazano u grafičkom prilogu br. 2 i 3. Bruto građevinska površina (BGP) objekta iznosi 193 m².
- Namjena planiranog objekta je stambena, a kolski pristup je iz ulice Koševo brdo.
- Potrebno je obezbijediti parking prostor unutar regulacione linije parcele planiranog objekta sa minimalnim brojem 1 stan - 1 parking mjesto.
- Osvjetljenje prostora potkrovnog etaže je isključivo putem krovnih prozora u ravni krovne plohe, bez istaka i krovnih badža.

- Građevinska parcela je uređena na način kako je prikazano na grafičkom prilogu br. 2 i br. 3.

Član 3.

Korekcija Plana sastoji se iz tekstualnog dijela i grafičkog priloga sa prikazanom parcelom i građevinskom linijom planiranog objekta. Tekstualni dio i grafički prilog korekcije Plana su sastavni dio Regulacionog plana "Koševo Brdo" ("Službene novine Kantona Sarajevo", broj 32/13).

Član 4.

Korekcija Plana je rađena za fazu urbanizma, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Koševo Brdo", te pribavi saglasnost nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni i grafički dio) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Gradskoj upravi Grada Sarajevo - Službe za urbano planiranje i stambene poslove i Ministarstvu prostornog uređenja i zaštite okoliša Kantona Sarajevo.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Centar, a naknadno će se objaviti u "Službenim novinama Kantona Sarajevo".

Broj 07-23-4700/14
10. septembra 2015. godine

Općinski načelnik
Dževad Bećirević, s. r.

Napomena: Objavljeno na oglasnoj ploči Općine Centar 10.09.2015. godine.